



Republika e Kosovës
Komuna e Drenasit
Kuvendi i Komunës

02 Nr. 060/04-55769 dt. 12.12 2023



PROCESVERBALI

Të mbledhjes së rregullt të Kuvendit Komunal të Drenasit të Mbajtur më datë: **22.11.2023**
e cila filloi në orën 10:00.

Mbledhjen e kryesoi kryesuesi i Kuvendit Komunal-Milaim Hajdari

Kryesuesi deklaroi të hapura punimet e mbledhjes së rregullt të Kuvendit Komunal, ku të pranishëm ishin 30 anëtarë: Labinot Halilaj (PDK), Bekim Lestrani (PDK), Arigon Sinani (PDK), Zeqir Hasi (PDK), Laurita Muhadri Bujupi (PDK), Hamit Kastrati (PDK), Blerina Gashi (PDK), Gani Krasniqi (PDK), Fatmir Baliu (PDK), Qendrim Mulaj (PDK), Malsore Cakiqi (PDK), Blerina Gashi (PDK), Albulena Saliuku (PDK), Valentina Leku (PDK), Manushaqe Mulaku (PDK), Mirlinda Dvorani (PDK) Sali Dvorani (DD), Mergim Pirraku (DD), Mehedin Salihu (DD), Hamit Haxhiu (DD), Jahir Hajdari (DD), Azemine Bujupi-Gjoka (DD), Marigona Bazaj (DD), Florentina Elezi-Veliu (VV), Filloreta Bujupi (VV), Drin Halilaj (VV), Egzona Terrdevci (VV), Muhamet Kurtaj (VV), Arbër Halilaj (GREEN), Beqir Kiqina (AAK), Egzon Qorri (LDK). Sali Dvorani (DD). **Mungoi Arbër Halilaj.**

Të pranishëm ishin edhe **Kryetari i Komunës, Ramiz Lladrovci, Drejtor të Drejtorive komunale, përfaqësues të KFOR-it zyra e informimit, qytetar.**

Mbledhja filloi punimet me këtë rend dite:

1. Procesverbali i mbledhjes së rregullt i Kuvendit Komunal Drenas të dt. 27.10.2023.
2. Raport për zbatimin e Planit të Integritetit për Komunën e Drenasit për vitin 2023.
3. Raport për përfundimin e procesit të zgjedhjes së Këshillave Lokale në Komunën e Drenasit.
4. Propozim vendim për mbështetje financiare e Qendrës për Promovimin e të Drejtave të Grave.
5. Propozim për ndryshim-plotësimin e rregullores për taksa tarifa, ngarkesa dhe gjoba Nr.030/01-53502 të datës 27.10.2023.
6. Propozim vendim për formimin e Panelit Përzgjedhës për zhvillimin e procedurave për themelimin e Komitetit Konsultativ Komunal për Arsim, Kulturë, Rm dhe Sport.
7. Propozim vendim për formimin e Panelit Përzgjedhës për zhvillimin e procedurave për themelimin e Komitetit Konsultativ Komunal për Persona me Aftësi të Kufizuara.

8. Propozim vendim për formimin e Panelit Përzgjedhës për zhvillimin e procedurave për themelimin e Komitetit Konsultativ Komunal për Zhvillim Ekonomik, Mbrojtje të Ambientit, Shëndetësi dhe Mirëqenie Sociale.
9. Propozim vendim për plotësim ndryshim të vendimit të Këshillit Komunal për Siguri në Bashkësi.
10. Propozim vendim për plotësim ndryshimin e nenit 2 të vendimit nr.02-463/05-53498 për dhënien në shfrytëzim afatgjatë për 99 vite, Pronën e Paluajtshme të Komunës me procedurë të negocimit të ofertës.
11. Të ndryshme.

Mbledhja e rregullt e Kuvendit të Komunës së Drenasit u mbajt me dt. 22.11.2023, ku për diskutim ishin 11 pika për rend dite. Mbledhja është kryesuar nga kryesuesi i Kuvendit Komunal Milaim Hajdari. Kryesuesi hapi punimet e mbledhjes së rregullt të Kuvendit Komunal ku njoftoi me rendin e ditës e lartcekur.

Egzona Tërdevci: propozoj që pika pestë mos shqyrtohet sot, arsyeja është se sipas Ligjit për Vetëqeverisje Lokale materialet për secilën pikë të rendit të ditës duhet të dorëzohen shtatë ditë para mbledhjes, ne nuk kemi marrë materialet me kohë dhe nuk konsideroj që është e arsyeshme ta trajtojmë këtë pikë.

Kryetari i Komunës Ramiz Lladrovci: Jeni detyruar me trajtu këtë pikë të rendit të ditës, e keni trajtu, është krye, e keni vlerësimin e MAPL-së dhe jem të detyruar me e shqyrtu në këtë mbledhje, kemi ndryshu gjëra teknike, të cilat na i kanë propozu ministrinë e caktume.

Egzona Tërdevci: Po ashtu kam një vërejtje që e kam përcjellë me e-mail tek ju i nderuar kryesues tek ju zotëri Lladrovci, e kam përcjellë edhe të zotëri Arben Shala që ka qenë kryesues i komisionit, unë kam kërku që me u përditësua materiali i raportit që e ka dërgu për Këshillat Lokale nuk ka asnjë ndryshim në raporte, po e them që le të mbetet në procesverbal, sepse diçka që ju dërgohet paraprakisht me shkrim është dashtë me përfshirë në material.

Kryetari i Komunës Ramiz Lladrovci: A e ke vetë Drinin pse s'ka ardhë me nënshkru raportin? E kanë pritë deri dje e nuk e kanë nënshkru raportin. Pra, dokumentet veç t'jua kujtoj përgjithmonë, nuk e ndërrojmë raportin që e ka bo komisioni pse e ke qu ti në e-mail, sepse unë nuk i bëj raportet. Nuk e bëj raportin unë, pra e bën ai që u kanë kryesues i komisionit.

Drin Halilaj: unë kam qenë dje dhe e kam nënshkru raportin.

Pas diskutimeve vërejtjeve dhe sugjerimeve që u dhanë kryesuesi hodhi në votim rendin e ditës me pikat e lartëcekura më lartë: prezent gjatë votimit ishin 29 anëtar, “Për” votuan 24 anëtar, kundër nuk pati, 4 abstenim, u miratua rendi i ditës.

Komunal, Milaim Hajdari hapi diskutimin për pikën e parë të rendit të ditës: 1.

Procesverbali i mbledhjes së rregullt i Kuvendit Komunal Drenas të dt. 27.10.2023.

Egzona Tërdevci: Po më vjen keq se po e stërdiskutojmë këtë punën e procesverbalit, po kam pritë reflektim pas krejt vërejtjeve që i kam dhënë, edhe në seancë, edhe jo formalisht jua kam dhënë juve, edhe vetë zyrtarëve të Kuvendit, po ka ardhë koha që të shkruajmë shqip qysh shkruhet procesverbali.

Meqë nuk pati diskutime apo vërejtje tjera kryesuesi hodhi në votim këtë pikë të rendit të ditës: prezent gjatë votimit ishin 29 anëtar, “Për” votuan 22 anëtar, 4 vota kundër, 2 vota abstenim, u miratua procesverbali i mbledhjes së rregullt të KK i mbajtur më dt. 27.10.2023.

Kryesuesi i Kuvendit Komunal, Milaim Hajdari- hapi diskutimin për pikën e dytë të rendit të ditës: **2. Raport për zbatimin e Planit të Integritetit për Komunën e Drenasit për vitin 2023.**

Shaban Dobra-Zyrtar, Komuna e Drenasit në pajtim me legjislacionin në fuqi për Agjencinë për Parandalimin e Korrupsionit dhe Strategjinë Shtetërore kundër Korrupsionit për 2022, ka hartuar dhe miratuar Planin e Integritetit për periudhën 2023-2026 sepse të gjitha institucionet obligohen të zhvillojnë dhe miratojnë planet e integritetit, dhe është obligim ligjor i kësaj agjencie të bëjë monitorimin e zbatimit të Planit të Integritetit të institucioneve publike, në cilësinë e koordinatorit sot do të ra raportojë për shkallën e zbatimit të planit për vitin 2023

Dhe në pika të shkurtra po ju njoftojmë lidhur me kronologjinë e ngjarjeve që kemi kaluar deri tek raporti i zbatimit të këtij plani, me vendim të kryetarit të komunës, janë themeluar edhe grupet punuese për zhvillim të planit të integritetit, për monitorimin dhe raportimin e zbatimit të tij.

Ju njoftoj se në Komunën e Drenasit janë mbajtur dy takime me anëtarët e grupit punues ku është diskutuar për masat e parapara për zvogëlimin apo eliminimin e rreziqeve në planin e integritetit si dhe plotësimi i tabelave nga zyrtarët komunalë me të dhënat e kërkuara sipas masave të parapara në plan dhe është mbajtur një punëtori, ku ka marrë pjesë edhe një ekspert i kësaj fushe.

Plani i Integritetit përmban gjithsej dhjetë fusha të rrezikut dhe katërdhjetë e nëntë masa të propozuara për zvogëlimin apo eliminimin e rreziqeve.

Zbatimi i masave të propozuara në plan, përveç angazhimit të resurseve humane, në këtë rast zyrtarëve komunalë kërkon edhe mjete financiare, si dhe afatet kohore për realizim të këtyre masave.

Në plan është bërë përshkrimi i rreziqeve, masat e kontrollit, ku kryesisht janë të lidhura me ligjet aktet nënligjore, aktet e brendshme komunale, si dhe njësia apo zyrtarët të cilët janë përgjegjës për zbatimin e masave të parapara. Fushat e rrezikut janë klasifikuar në dy grupe: fushat e përgjithshme të rrezikut dhe fushat e veçanta.

Deri më tani, sipas raportimeve nga zyrtarë përgjegjës nga drejtoritë, të cilët janë pjesë në grupe punuese, një numër i veprimeve ndaj rreziqeve të cilat janë parapara në masat e propozuara në plan, janë realizuar, disa janë duke u realizuar dhe disa tjera pritet të realizohen sipas afateve kohore, të cilat janë përcaktuar në planin e integritetit për periudhat në vijim.

Në raportin të cilin e kam hartuar, janë përmbledhur të gjitha të dhënat rreth nivelit të zbatimit të këtij plani për vitin 2023.

Në planin e integritetit për vitin 2023 është planifikuar të zbatohen gjithsej katërdhjetë e nëntë masa me qëllim të parandalimit të dukurive, të cilat ndikojnë në uljen e integritetit të komunës, prej katërdhjetë e nëntë masave të parapara janë realizuar tridhjetë e tre prej tyre apo 67 %. Pesëmbëdhjetë prej tyre janë proces të realizimit, apo 31%, ndërsa vetëm një masë nuk ka filluar të realizohet, apo kthyer në përqindje bie të jetë dy për qind e totalit përgjithshëm të masave. Te fushat e veçanta, Komuna e Drenasit ka parapara gjithsej njëzet e pesë masa për vitin 2023.

Prej tyre janë realizuar nëntëmbëdhjetë apo 76%, kanë filluar të realizohen gjashtë apo në përqindjen 24% dhe nuk ka asnjë masë që nuk ka filluar të realizohet. Te fushat e përgjithshme komuna ka paraparë gjithsej njëzet e katër masa për vitin 2023. Prej tyre janë përfunduar katërmëdhjetë apo 58%, kanë filluar të realizohen nëntë ose 38% dhe vetëm një masë nuk ka filluar të realizohet.

Ministria e Administrimit të Pushtetit Lokal përmes një shkrese të datës 15.11.2023 dërguar kryetarëve të komunave të Republikës së Kosovës në përputhje me Ligjin 03/L-040 për vetëqeverisje lokale, i njofton në lidhje me qëllimin e zbatimit të dispozitave ligjore të nenit 25 të ligjit 08/L-017 për Agjencinë për Parandalimin e Korrupsionit, ku kërkon nga autoritetet komunale hartimin dhe aprovimin e Planit të Integritetit jo më vonë se gjashtë muaj nga aprovimi i metodologjisë për hartimin e këtyre planeve.

Duke pasur parasysh se me datë 26.07.2023, është miratuar Metodologjia për planet e Integritetit nga Agjencia për parandalimin e korrupsionit kërkojnë nga kryetarët e komunave të Kosovës që t'i miratojnë planet e integritetit dhe t'i përcjellin në këtë Agjenci për në Agjencinë për parandalimin e korrupsionit deri në fund të vitit 2023. Planet të cilat janë hartuar nga komunat para aprovimit të kësaj metodologjie të njëjtat duhet të përditësohen dhe të jenë në përputhje me metodologjinë e lartpërmendur, të aprovohen dhe të dërgohen në Agjencinë për parandalim të korrupsionit dhe në këtë rast vlen edhe për Komunën tonë, sepse ne e kemi miratuar planin para miratimit të metodologjisë së lartpërmendur dhe kemi qenë të obliguar të raportojmë në Kuvend për periudhën njëvjeçare të zbatimit të këtij plani, sipas kësaj metodologjie aprovimi i planeve të integritetit bëhet nga kryetarët e komunave tash e tutje.

Egzona Tërdevci: së pari e kam një sygjërim që është teknik, po na kish lehtësu neve me e pa raportin, raporti nuk ka numër të faqeve askund dhe është pak vështirë tani me u referua kur përmendim diçka, ndoshta hera tjera integroni.

Tek integrimi tek pjesa e rreziqeve është diçka shqetësuese mos implementimi i rekomandimeve nga ana e menaxhmentit, nëse mundet me na sqaru, ose zyrtari, ose kushdo që e njeh veten kompetent për këtë çështje? Tek integrimi, rreziqet është me e theksua në rrezik të lartë mos implementimi i rekomandimeve nga ana e menaxhmentit.

A bëhet fjalë për rekomandimet e auditimit të brendshëm, a bëhet fjalë për rekomandimet e ZKA-së, nëse mundet me na dhënë sqarime?

Kryetari i Komunës Ramiz Lladrovci: Raporti ka dalë me 98% ne i kemi zbatua rekomandimet e planit tonë, unë nuk kam koment me fol për 2 %.

Meqë nuk pati diskutime vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 29 anëtar, “Për” votuan 22 anëtar, kundër nuk pati, 3 vota abstenim, disa nuk votuan.

Kryesuesi i Kuvendit Komunal, Milaim Hajdari- hapi diskutimin për pikën e trete të rendit të ditës: **3. Raport për përfundimin e procesit të zgjedhjes së Këshillave Lokale në Komunën e Drenasit.**

Egzona Tërdevci: meqë kemi pas një bashkëpunim relativisht të mirë nuk kish bërë keq nëse na kish konsultu edhe neve kur e ka hartua këtë raport, po e ka bërë vetë në rregull është. Unë i kam përcjellë disa vërejtje me shkrim, po dua me lexu komplet letërën qysh ua kam dërgu juve që le të mbesim për procesverbal. I pati dy vërejtje lidhur me raportin e

Komisionit për Zgjedhjen e Këshillave Lokale në Drenas me të cilat vërejtje ju lutem që ta përditësoni raportin dhe të na dërgoni të përditësuar para seancës të së mërkurës. Vërejtja e parë është tek faqja e dytë e raportit, ku thuhet se përveç në Drenas I, Drenas II dhe Abri, këshilltarët janë zgjedhur me herën e tretë. Gradicë dhe Likoshan janë zgjedhur me herën e dytë, të gjitha të tjerat janë zgjedhur me herën e parë.

Më lejoni të rikujtoj, se as Këshilli në fshatin Baicë nuk është zgjedhur me herën e parë.

Vërejtja tjetër është tek faqja tretë e raportit, përkatësisht mungesat e mia si anëtare.

Unë jam e vetëdijshme që nuk kam mundur të jem në secilën mbledhje të Komisionit por megjithatë mungesat e mia nuk janë ashtu siç janë paraqitur në raport dhe për të njëjtat ju lutem t'i përmirësoni.

Nuk janë nënshkruar qëllimshëm në dy mbledhje. Llapushnik nuk janë pajtuar se si është menaxhuar zgjedhja e Këshillit apo përfaqësuesit e lagjeve dhe e kam informua kryesuesin e Komisionit për arsyen e mos nënshkrimit.

Në Arllat kam pasur një telefonatë urgjente nga familja dhe brenda rreth katër minutave, sa kam zgjatë në telefon, procesi ka përfundua pa qenë unë prezentë dhe është krejtësisht e natyrshme që të mos nënshkruhem në një situatë të tillë kur koha që unë kam qenë jashtë nuk ka qenë koha e gjatë për të me pritur. Kërkoj që këto çështje të përditësohen në raport.

Për me gjerësisht mbledhjen e Kuvendit Komunal Drenas e gjeni në you tube dhe materialin e gjeni në ueb faqen zyrtare të Komunës. <https://www.youtube.com/watch?v=Cw7vnnkr6AA>

<https://kk.rks-gov.net/glllogoc/wp-content/uploads/sites/10/2023/11/Ftesa-dhe-materiali-i-mbledhjes-se-Kuvednit-Komunal.pdf>

Kryetari i Komunës Ramiz Lladrovci: Besoj që je aq e vetëdijshme, çka është procesverbale e çka transkripta, dhe fjala jote ose imella që e ke dërguar tek ne nuk hyn në procesverbal, e ke lexu ka mbetë e regjistruar, dhe e ke të publikuar. Mungesat tua janë të vërteta dhe nuk ta ka bërë dikush asnjë gjë të pavërtetë, ka anëtarë të komisionit këtu, ndërsa tema tjera ke dalë katër minuta, a dy dy minuta jashtë askujt s'i intereson, komisionet janë mbajtur, njerëzit janë zgjedhur ata që i kanë votu ata që kanë marrë pjesë, kështu që rregull jem.

Egzona Tërdevci: Po e kam qartë që nuk del komplet pjesa jem, po vetëm mundet në procesverbal me u cekë që unë si asambleiste dhe si anëtare e komisionit kam pas vërejtje. Edhe mungesat e mia nuk janë reale.

E keni aty pasqyrimin që unë i kam pesëmbëdhjetë mungesa, realisht kam mungu vetëm në njëmbëdhjetë, kërkoj ta përmirësoni.

Beqir Kiqina: Sa i përket raportit për përfundimin e procesit të zgjedhjes së këshillave lokale në Komunën e Drenasit, më lejoni të them se unë si anëtar i Komisionit ndihem shumë mirë, për arsye se kemi arritur të kurorëzojmë një punë relativisht të gjatë disa mujore dhe në fund do të thotë të këtij procesi të përfundojë pa asnjë eksces të mundshëm në të gjitha lagjet urbane dhe në gjitha bashkësitë lokale të Komunës së Drenasit.

Sa i përket çështjeve të mungesave pajtohem relativisht me kolegën parafolëse, nuk besoj që ka pas momentin kur është kuorumi, nuk e di pse duhet mi mi paraqitë mungesat, por sido që të jetë, në çdo mbledhje ka pasur kuorum. Ndërsa sa i përket çështjes tjetër, se në Llapushnik dhe në Orllat ka pasur sipas saj ose shkelje të rregullore ose diçka këtu e them me plot kompetencë dhe me plot përgjegjësi këtu para Kuvendit Komunal. Llapushnik është prej proceseve më të mira në Komunën e Drenasit, që ka pas njerëz qytetarë dhe qytetare të mjaftueshëm, domethënë është respektu dhe kuota gjinore, sepse është organizu ky fshat

mjaft mirë dhe gjitha ato i kemi edhe procesverbalet, edhe me veti domethënë mbledhjes përkatëse. Po ashtu gjithçka ka shku në rregull, por është e drejtë e koleges mund e nënshkrua apo jo. Ndërsa sa i përket për fshatin tjetër në Arllat e përmende është e vërtetë që ke dalë jashtë, por është më se e vërtetë që nuk na ka tregu a duhet me të pritë, a e ke për urgjent apo vetëm e ke një telefonatë blic, do të thotë dhe do të rikthehesh përsëri. Kështu që edhe aty ka shku mbledhja mjaft mirë dhe nuk e di ndonjë vend ku koha që ia vlen të ceket që ka pas shkeljeve të rregullore.

Egzona Tërdevci: nuk thashë që në asnjë prej fshatrave u shkel Rregullorja, për Llapushnik thashë se nuk jam pajtu si është menaxhu zgjedhja e anëtarëve të këshillit lokal edhe ka qenë e drejtë e jemja te mos nënshkruhem. E për Arllat, unë e kam njoftu kryesuesin që po dal për një telefonatë shpejt, po ai e ka pasur të arsyeshme mos me më pritë edhe ka kalu kjo çështje.

Beqir Kiqina: Në Arllat ka pas kuorum. Ne nuk e kemi ditë që është largu kolegia dhe falënderojmë për kontributin secilin, mirëpo në momentin kur është largu, janë dy forma të votimit, një është me akumulacion me ngritje duarsh, edhe tjetra është me votim të fshehtë. Me votim fshehtë e kemi përcjellë procesin për numërim të votave dhe ka zgjatë më shumë, ndërsa pjesën tjetër, ajo është punë më shpejtë, me ngritje duar, kur të gjithë janë të pranishëm domethënë, për një kandidat të caktum, atëherë vetë procesin na nuk mujna me zgjat më shumë sesa është i paraparë.

Kryesuesi i Kuvendit Komunal, Milaim Hajdari: Sa i përket përgjigjes që ka kërkuar Egzona, ne jemi kanë në njohuri, ajo është drejtuar edhe te unë të nënkryetarin në këtë rast, po realisht është mirë si rregull, kur janë pjesë asambleje është mirë paraprakisht duhet me diskutu komisioni, që kur bahet një raport s'mund komisioni mes veti mos me pas mos paqartësi. Është e parëndësishme do të thotë pjesëmarrja ose mospjesëmarrja individuale, si Komision ka ba një punë të shkëlqyeshme, e vlerësoj.

Meqë nuk pati diskutime tjera kryesuesi hodhi në votim formalisht këtë pikë të rendit të ditës: prezent gjatë votimit ishin 29 anëtar, “Për” votuan 25 anëtar, kundër nuk pati, abstenim nuk pati, 4 nuk votuan.

Kryesuesi i Kuvendit Komunal, Milaim Hajdari- hapi diskutimin për pikën e katërt të rendit të ditës: **4. Propozim vendim për mbështetje financiare e Qendrës për Promovimin e të Drejtave të Grave.**

Albulena Saliuku: si për çdo propozim tjetër që është kërkuar mbështetje financiare që e kemi përkrahur dhe e kemi votuar edhe sot pika katër kërkon mbështetje për Qendrën për Promovimin e të Drejtave të Grave, drejtoresha e kësaj qendre, zonja Kadire Tahiraj, e ka bërë dhe po vazhdon të bëjë një punë të jashtëzakonshme për mbrojtjen dhe promovimin e grave në Komunën tonë, por edhe jashtë saj.

Angazhimi për fuqizimin e gruas në shoqërinë tonë e kemi me obligim secili prej ne dhe kjo qendër po bën shumë për fuqizimin e gruas, si dhe përmirësimin e nevojave të grave. Prandaj, sot dhe gjithmonë do ta kenë mbështetjen time dhe duhet të jemi unikë të gjithë në vendime të cilat janë në interes të përgjithshëm të qytetarëve tonë.

Kryesuesi i Kuvendit Komunal, Milaim Hajdari- hapi diskutimin për pikën e pestë të rendit të ditës: **5. Propozim për ndryshim-plotësimin e rregullores për taksa tarifa, ngarkesa dhe gjoba Nr.030/01-53502 të datës 27.10.2023.**

Egzona Tërdevci: Po e përsëris, atë që e thashë tek rendi i ditës që këto materiale është dashur t'i kemi më herët. Nëse nuk ka qenë e nënshkruar raporti, shkresat nga ministritë përkatëse që e kanë trajtuar ligjshmërinë e kësaj Rregullore kanë qenë dhe keni mund t'i përcjellni. Gjithashtu, dua të evidentoi një vërejtje për seancën e kaluar, ku ne si grup i asamblesëve kemi bërë propozime për këtë Rregullore dhe ju nuk i keni hedh në votim propozimet tona. Ne ndoshta nuk do ta kishim kalu propozime me votë, meqë nuk e kemi shumicën, po parimisht si rregull është dashtë të vendosni në votim. Edhe një vërejtje që po përsëritet në vazhdimësi sipas Ligjit për vetëqeverisje lokale, paragrafit 46 përkatësisht pika 2 kuorumi duhet të verifikohet para secilit votim. Ne jemi tu e kalu këtë hap, nuk është shumë problem ndoshta që me e realizu këtë rregull që kërkon ligji për vetëqeverisje lokale.

Meqë nuk pati diskutime vërejtje apo sugjerimeve kryesuesi hodhi në votim formalisht këtë pikë të rendit të ditës: prezent gjatë votimit ishin 29 anëtar, "Për" votuan 23 anëtar, 4vota kundër, 2 vota abstenim.

Mungesë kryesuesit mbledhjen e udhëhoqi asamblisti Gani Krasniqi:
Gani Krasniqi hapi diskutimin për pikën e gjashtë të rendit të ditës: **6. Propozim vendim për formimin e Panelit Përzgjedhës për zhvillimin e procedurave për themelimin e Komitetit Konsultativ Komunal për Arsim, Kulturë, Rini dhe Sport.**
Vazhdojmë me propozimet:

Kryetari i Komunës Ramiz Lladrovci: Propozoj formimin e Panelit Përzgjedhës nga Ekzekutivi Agim Kastrati, nga shoqëria civile: Bekim Binaku.

Bekim Lestrani propozoj:propozu prej prej grupit të PDK-së e propozojmë Valentina Leku Gashi.

Azemine Bujupi: Nga Grupi i DD-së e propozoj Marigona Bazaj.

Egzona Tërdevci: Nga Grupi i Asamblesëve të Lëvizjes Vetëvendosje, për panel përzgjedhës të Komitetit propozojmë Drin Halilaj.

Meqë nuk pati diskutime vërejtje apo sugjerimeve kryesuesi hodhi në votim këtë pikë të rendit të ditës: prezent gjatë votimit ishin 30 anëtar, "Për" votuan 30 anëtar, kundër nuk pati, abstenim nuk pati, u formua Panelit Përzgjedhës për zhvillimin e procedurave për themelimin e Komitetit Konsultativ Komunal për Arsim, Kulturë, Rini dhe Sport me:

Agim Kastrati (anëtar nga Ekzekutivi)
Bekim Binaku (anëtar nga shoqëria civile)
Valentina Leku Gashi (anëtare nga Kuvendi)
Marigona Bazaj (anëtare nga Kuvendi)
Drin Halilaj (anëtare nga Kuvendi)

Gani Krasniqi hapi diskutimin për pikën e shtatë të rendit të ditës: **7. Propozim vendim për formimin e Panelit Përzgjedhës për zhvillimin e procedurave për themelimin e Komitetit Konsultativ Komunal për Persona me Aftësi të Kufizuara.**
Vazhdojmë me propozimet:

Kryetari i Komunës Ramiz Lladrovci: Propozoj formimin e Panelit Përzgjedhës nga Ekzekutivi: Zahrie Podrimqaku-Subashi nga shoqëria civile: Shqipe Hoxha.

Bekim Lestrani: Nga PDK-ja nga grupi i PDK-së propozojmë Malësore Cakiqi.

Azemine Bujupi: Nga grupi i DED-së. Nga grupi i DD-së propozojmë Mehedin Salihu.

Egzona Tërdevci: Nga Grupi i Asamblesë së Lëvizjes Vetëvendosje, për këtë panel konsultativ e propozojmë asamblesten Filloreta Bujupi.

Meqë nuk pati diskutime vërejtje apo sugjerimeve kryesuesi hodhi në votim këtë pikë të rendit të ditës: prezent gjatë votimit ishin 30 anëtar, “Për” votuan 30 anëtar, kundër nuk pati, abstenim nuk pati, u formua **Panelit Përzgjedhës për zhvillimin e procedurave për themelimin e Komitetit Konsultativ Komunal për Persona me Aftësi të Kufizuara nga:**

Zahrie Podrimqaku-Subashi (anëtare nga Ekzekutivi)

Shqipe Hoxha (anëtare nga shoqëria civile)

Malësore Cakiqi (anëtare nga Kuvendi)

Mehedin Salihu (anëtare nga Kuvendi)

Filloreta Bujupi (anëtare nga Kuvendi)

Gani Krasniqi: hapi diskutimin për pikën e tetë të rendit të ditës: **8. Propozim vendim për formimin e Panelit Përzgjedhës për zhvillimin e procedurave për themelimin e Komitetit Konsultativ Komunal për Zhvillim Ekonomik, Mbrojtje të Ambientit, Shëndetësi dhe Mirëqenie Sociale.**

Kryetari i Komunës Ramiz Lladrovci: Propozoj formimin e Panelit Përzgjedhës nga Ekzekutivi Gentianë Morina, nga shoqëria civile: Burim Dvorani.

Bekim Lestrani: Nga PDK-ja nga grupi i PDK-së propozojmë Albulena Saliuku.

Azemine Bujupi: Nga grupi i DD-së propozojmë Hamit Haxhiu.

Egzona Tërdevci: Nga Grupi i Asamblesë së Lëvizjes Vetëvendosje, për këtë panel konsultativ e propozojmë asamblastën Florentina Elezi Veliu.

Meqë nuk pati diskutime vërejtje apo sugjerimeve kryesuesi hodhi në votim këtë pikë të rendit të ditës: prezent gjatë votimit ishin 30 anëtar, “Për” votuan 30 anëtar, kundër nuk pati, abstenim nuk pati, u formua **Paneli Përzgjedhës për zhvillimin e procedurave për themelimin e Komitetit Konsultativ Komunal për Zhvillim Ekonomik, Mbrojtje të Ambientit, Shëndetësi dhe Mirëqenie Sociale nga:**

Gentianë Morina (anëtare nga Ekzekutivi)

Burim Dvorani (anëtare nga shoqëria civile)

Albulena Saliuku (anëtare nga Kuvendi)

Hamit Haxhiu (anëtare nga Kuvendi)

Florentina Elezi Veliu (anëtare nga Kuvendi)

Gani Krasniqi: hapi diskutimin për pikën e nëntë të rendit të ditës: **9. Propozim vendim për plotësim ndryshim të vendimit të Këshillit Komunal për Siguri në Bashkësi.**

Laureta Thaqi Drejtoreshë e Administratës: Pra, përmes këtij propozim-vendimi ë po kërkojmë mu ndryshu apo plotësu vendimi i Këshillit Komunal për Sigurinë në bashkësi meqenëse disa nga anëtarët e KKKS-së kanë ndryshuar pozitat zyrtare, njëri nga komunitetet si FSK kam propozuar anëtarë të ri dhe anëtar i Komitetit të Biznesit, i cili zëvendësohet sipas nenit pesëmbëdhjetë të udhëzimit të MPB-së, atëherë po propozojmë miratim plotësim-ndryshimin e këtij vendimi. Pra, janë emra të cilat do të zëvendësohen sipas udhëzimit. Jam konsultuar Në pozitën koordinatorë e KKKS-së jam konsultuar me Divizionin për Sigurinë në bashkësinë kuadër të MPB-së dhe kanë kërkim që të gjithë emrat pra që janë zëvendësu, që kanë ndryshu pozita zyrtare me kalu përmes Kuvendit, për arsye se edhe atëherë kur janë emëruar kanë kalu përmes Kuvendit Komunal. Pra, vetëm është një plotësim-ndryshim i i këtyre pozitave të cilat i keni të specifiku me nenin ë një të këtij propozim-vendimi.

Meqë nuk pati diskutime vërejtje apo sugjerimeve kryesuesi hodhi në votim këtë pikë të rendit të ditës: prezent gjatë votimit ishin 30 anëtar, **“Për”** votuan 30 anëtar, kundër nuk pati, abstenim nuk pati.

Gani Krasniqi hapi diskutimin për pikën e dhjetë të rendit të ditës: **10. Propozim vendim për plotësim ndryshimin e nenit 2 të vendimit nr.02-463/05-53498 për dhënien në shfrytëzim afatgjatë për 99 vite, Pronën e Paluajtshme të Komunës me procedurë të negocimit të ofertës.**

Meqë nuk pati diskutime vërejtje apo sugjerimeve kryesuesi hodhi në votim këtë pikë të rendit të ditës: prezent gjatë votimit ishin 29 anëtar, **“Për”** votuan 25 anëtar, 4 vota kundër 1 abstenim.

Gani Krasniqi hapi diskutimin për pikën e njëmbëdhjetë të rendit të ditës: **11. Të ndryshme.**

Labinot Halilaj: pyeti lidhur me ndërprerjen e kontratës e Kosova-Med për shërbimet shtëpiake shëndetësore në shtëpi. Cila ka qenë arsyeja pse u ndërpre kjo kontratë, nëse ka mundësi me na dhe dikush përgjigje, pse është pezullu kontrata?

Lumnije Krapë Drejtoreshë e Shërbimeve Publike: vetëm po e sqaroj se nuk kemi ndërprerje të kontratës, po pezullim, pezullim të shërbimeve deri në një vendim tjetër që duhet të respektohet vendimin e Inspektoratit. Domethanë s'kemi ndërprerje, po pezullim deri te një vendim tjetër i ardhshëm. Arsyen ata nuk e dinë.

Laureta Thaqi Drejtoreshë e Administratës: Meqë kjo kontratë është e lidhur prej Zyrës së Prokurimit, zyra e cila funksionon në kuadër të Drejtorisë për Administratë atëherë, kjo kontratë nuk është ndërprerë, por është pezullu për shkak se kemi një një raport apo një rekomandim të Inspektoratit Shëndetësor për pezullim të shërbimeve lidhur me këtë kontratë. Sa i përket aspektit ligjor nënshkrimit të kontratës nga Zyra Prokurimit, pra kjo kontratë është nënshkruar në përputhje me Ligjin për Prokurimin Publik, po ashtu në përputhje me rregulloret dhe udhëzuesit të cilët i rregullojnë çështjen e projekteve përmes prokurimit publik, pra nuk ka pasur asnjë problem, mirëpo është pezullu përkohësisht deri në një vendim tjetër të Inspektoratit. Inspektorati Shëndetësor është organ mbikëqyrës më i lartë lidhur me ofrimin e shërbimeve shëndetësore. Është pezullu, por po presim pra një vendim, por nuk

është ndërprerë, për shkak se kjo kontratë është e lidhur mes Zyrës së Prokurimit dhe Operatorit Ekonomik në fjalë, pra Kosova Med.

Labinot Halilaj: Pra, e njëjta pyetje: Pse Inspektorati e ka rekomandu për pezullim?

Krytari i Komunës Ramiz Lladrovci: Inspektorati na ka dhënë rekomandim në rekomandim, pra me pezullu. Ne e kemi pezullu landën, landa është në proces, nuk ka me neve kush do të bëjë na këna blejë shërbime dhe na jemi në rregull me shërbime, i ka kalu të gjitha procedurat, KRPP-ja e vlerëson a jemi në rregull me procedurat, OSHP-ja është gjithashtu një gjykatë që vendos kush me e marrë, na nuk kemi asnjë problem, janë probleme mes kompanisë edhe Inspektoratit Shëndetësor. Ne i kemi kry 70% të shërbimeve edhe ashtu kur i kryen shtatëdhjetë për qind të kontratës, kontrata quhet e përfundime edhe ashtu shty nuk ka pasë asnjë vërejtje nga as nga pacientë dhe as nga askush tjetër deri sot janë procedura që do të zhvillohen. Na nuk shkelim ligj kur thotë Inspektorati rekomandon me pezullu. Na ka rekomandu, na i kemi, ju kemi shkru me na këtij përgjigje, presim përgjigje, edhe ashtu kontrata është mbi shtatëdhjetë për qind kur kryhet kontrata kornizë

Hamit Haxhiu: Qysh u lidh kjo kontratë dhe ky operator a ka certifikatë e biznesit? Pasi është vetëm rekomandim për shkak për kontratës diçka nuk është në rregull.

Krytari i Komunës Ramiz Lladrovci: Gjithë zyrtarët që kryejnë shërbim janë të certifikuar. Në komunë që kryejnë shërbim nuk ka drejtorit tyre certifikatë për shërbim, ai është kompani e cila na ka ofru shërbim, ke na kry shërbim, na jemi në rregull, me ligjin dhe me gjithçka Telashet mes kompanisë edhe inspektor, janë procedura që zhvillohen. Tutje domethanë, nga tri vjet po i bën kjo kontratë që nuk ka pas asnjë vërejtje as bij inspektorati dhe as prej askujt. Ne pra, këna ble shërbime shërbimet tona janë kanë profesionale dhe i kanë plotësu të gjitha kriteret. Edhe na damtojnë këtë proces për për dhënien e shërbimeve të qytetarëve në shtëpi, po është çështje që na nuk bëjmë gabime nëse na ka japë dikush një rekomandim. Mundet që nesër kompania me na me na çu në gjykatë, në qoftë se nuk ka pas drejtë Inspektori i Shëndetësisë edhe na me ia pagu atij shërbimi, të bëjë kry shërbimet. Faleminderit! Po na e mbajmë përzgjedhës Ministrinë e Shëndetësisë, sepse i kemi thënë qoftë se gjykata vendos kundër tënd, do të mbani përgjegjësi ju.

Mehedin Salihu: ndërlidhen në këtë pikë kjo kompani kryetare operon edhe në komunat tjera të Kosovës pse një gjë e tillë nuk ka ndodh në komunat tjera, po veç tonën, a është pezullu puna veç për punëtorë shëndetësorë a për punëtorë tjerë?

Krytari i Komunës Ramiz Lladrovci: nuk e kanë pezullu veç në Komunën tonë, është edhe në Komunën e Klinës, problemet na nuk i shqyrton problemet mes kompanisë dhe Inspektoratit, se është tema jonë. I vetmi gjë që neve na atakon, është se na në punë jam i dhënë përkohësisht shërbime qytetarëve. Na kena në atë kompani dy kontrata dhe kontrata me numër XY na ka rekomandu me suspendu, me na ka rekomandu. Ata e kena suspendu. Kompaninë tjetër, ose kontratën tjetër me të njëjtën kompani, nuk na ka rekomandu me na rekomandu, veprojmë sipas rekomandimeve e që na vijnë nga niveli qendror.

Egzona Tërdevci: Edhe unë i kam disa çështje lidhur me rastin e kontratës së Kosova Med Fillimisht, kontrata nuk është e nënshkrime veç mes Kosova med edhe Zyrës së Prokurimit, kontratën e kam këtu dhe ju zotëri Lladrovci jeni nënshkruesi i kontratës që nuk kam nejsan me këtë çështje, po veç me kanë në ferr që nuk është çështja veç te zyra e prokurimit a e ka ditë komuna në fillim që ky operator nuk ka licencë për ofrimet e shërbimeve shëndetësore?

Nëse e ka ditë, qysh ka leju me u nënshkru një kontratë e tillë e nëse nuk e ka ditë kur është sinjalizu që kjo kompani nuk ka licencë për ofrim shërbimeve shëndetësore. Pasi unë i kam disa shqetësime që me ia përcjellë se ë shërbimet që kinse janë realizuar nga kjo ë kompani, në fakt nuk janë realizu. Pra, ka pacient, ka lista fiktive të pacientëve dhe nuk janë realizu të gjitha shërbimet. Po asltu, ka dyshime se janë disa njerëz që ë thuhet se janë të afërt me pushtetin komunal dhe njerëz të caktuar në QKMF që marrin paga pa kryer shërbime për këtë kompani dhe madje disa paga janë edhe të majme, një nëse është e vërtetë, unë po pyes për sqarime, thuhet se paguan njerëzit pesë mijë e dyqind euro nga nga kjo kontratë, a e keni thirrë në përgjigjësi menaxherin e kontrates, pra drejtuesin e QKMF-së për këtë çështje A jeni kanë sinjalizu më herët për problemet që i ka kjo kompani dhe cilat janë veprimet që tash e tutje keni me marrë si komunë për këtë çështje? Konsideroj që nuk është shumë e vogël shumua prej treqind e shtatëdhjetë e dy mijë e gjashtëqind euro për Komunën e Drenasit që ka një buxhet të vogël dhe një kontratë e tillë nuk do të dohej të kalohej kaq pa u vërejtur nëse nuk është implementu siç duhet.

Krytari i Komunës Ramiz Lladrovci: Egzonë, kontratat për shërbime që janë me vlerë mbi njëqind e njëzet e pesë mijë euro, njëqind e njëzet mijë sa është, i nënshkruaj unë krejt asnjë shqetësim s'e kam për atë punë, sepse janë në rregull procedurat shërbimet që i kemi kërku na kanë kalu përmes KRPP-së, një institucion që thotë duhet me pasë edhe qit certifikatë, duhet me pasë edhe qit dokument, duhet me pasë edhe qit dokument. për dijeni tonën, i kena kalu krejt. Ndërsa, njerëzit a janë të afërt me kryetarin apo ekzekutivin apo në komunën që punojnë aty ose që marrin pagat majme, që unë nuk i di. Na kena blerë shërbime. Na nuk kena, na nuk dojmë paga. nuk i dhonë paga kërkujt. Ç'më thanë edhe je gëzohen, tash kur thu kështu i afërt i dhe baba ai të më voton mua, po ça me i votash? Ti duhet me të bajtë kaq herë përtej asaj që baba ai të më e voton PDK-në, nuk më voton e Kështu që janë tema që nuk i nuk i nuk na shqetësojnë neve, sepse janë janë organe të cilat ë çka të keni, i çoni atje, na iu dhonë përgjigje çdonjërës qysh i kemi dhënë deri sot. Licencat janë domethanë gjithë punonjës që i ka shërbimet që na jep neve, kanë licenca. Për çfarëdo që kërkohet në ato shërbime.

Egzona Tërdevci: një pyetje për drejtoreshën Lumnije Krapë. Shërbimet që ka pasë m'i kry kjo kompania, a është e vërtetë që tash janë tu u kry prej shërbyesve të emergjencës edhe kështu emergjenca po mbetet keq për staf?

Hamit Haxhiu: Pyetja ime ishte kështu për Drejtorinë e Infrastrukturës ose Drejtorinë e Arsimit: Drejtorina e Arsimit po përcjell një problem i zakonshëm që disa vite për nxëniet qendrore, i nderuar drejtor. pse shumë shkolla nuk janë gatshme me nxehjet qendrore. Për Drejtorinë e Infrastrukturës, çka po ndodh me kockat e sheshit "Fehmi dhe Gjevë Lladrovci" Ku po shkojnë, ku janë ato kocka, çfarë po ndodh me ato kocka të sheshit?

Muhamet Gjoka Drejtor i Arsimit: Lidhur me shqetësimin e ngritur, ju njoftoj që të gjitha shkollat janë të pajisura me lëndë djegëse, sigurisht për një kohë të caktuar, po nga këto i sigurojmë gjithë nxënësit prindërit, mësimmshënësit, edhe juve që nuk do të mbeten asnjë asnjë moment pa lëndë djegëse. Sigurisht se sistemi i ngrohjes mundet me pas ndonjë telashe teknike, por edhe për ato e kemi e kemi një kontratë, e cila veç është në procedurë është përfunduar. sigurisht edhe aty reagimi do të jetë me kohë. Kështu që ne procedurën e kemi nisë qysh në fillim të gushtit, mirëpo dy herë ka shku radhazi në në OSHP falë menaxhimit të mirë të sasive të lëndëve djegëse kemi rezerva nga viti i kaluar kështu që ë i siguroj edhe një herë

të gjithë prindërit nxënësit mësimdhënës që asnjë moment, asnjë ditë nuk do të mbesin pa pa lëndë djegëse.

Krytari i Komunës Ramiz Lladrovci: për kocka, unë nuk e di ku janë tu shku ato kocka, Na e këna lut operatorin që na i dhunë në shërbim ato kocka, sepse operatori kur e merr punën gjithçka që ka aty e merr shërbim të vetin edhe e çon ku i intereson, po jam i bindur si ai ka me na respektu kërkesën tonë edhe kockat kanë me metë një vend, kanë me u deponu një vend dhe na e kemi mendu me i dërgu për parkingjet shkollave e të institucioneve tjera.

Lumnije Krapu Drejtoreshë e shëndetësisë: e nderuar Drejtoria e Shëndetësisë dhe Mbrojtjes Sociale në koordinim me Qendrën e Mjekësisë Familjare në Drenas, në mënyrë që qytetarët e Komunës së Drenasit dhe mos mbesin pa shërbim deri në një vendim të ardhshëm, është mobilizuar dhe shërbimet e kujdesit paliativ në shtëpi janë duke u realizuar nga ekipet mjekësore të QKMF-së orari është nga ora tetë deri në orën pesëmbëdhjetë, në numrat 038-584-049, ndërsa në raste emergjente, pas orës tre thirret urgjenca, kush ka nevojë

Egzona Tërdevci: Drejtoreshë, unë pyeta që ai ekip mjekësor që po del në terren, a është ekipi i emergjencës që në këtë situatë a mbetet keq emergjenta për atë ekip, nëse është ekip tjetër, të lutna veq ndaje me neve!

Krytari i Komunës Ramiz Lladrovci: emergjenca punon njëzet e katër orë, punon edhe ditën kur janë gjithë mjekë tjerë në punë. Edhe me shku emergjenca ka mjekë, nuk jetë institucioni pa mjekë, dua ta bëj një sqarim edhe për qytetarë do me hanë ka kur s'ka, kur është orari ndërrimi i tretë, atëherë e kena ma problem po dhe atëherë shkojnë kur është emergjencë, aksident a diçka edhe jetë emergjenca pa mjek.

Florentina Elez-Veliu: unë i kam dy pyetje për drejtorin e Arsimit e para është: a janë të furnizu në tashmë shkollën Komoran edhe në Baicë me lëndë djegëse dhe pyetja e dytë është për shkollën “Rasim Këqina” pasi siç e dimë që tri javën, nëse nuk janë gabim, është zhvillu mësimi me tri ndërrime, apo me ditë pse ka ndodhë, a është keqmenaxhim, që ka ndodhë kjo, që tualetet nuk janë renovu në kohën e pushimit, kur e kanë pas nxënësit në ngushtë po tani me hupë nxënëse atë mësimin, siç dihet janë disa orë që mban vetëm kah dhjetë minuta dhe nuk e di a është gati ajo me përfundu dhe pse ka ndodhë që tashmë u renovu ajo, e jo gjatë pushimit.

Krytari i Komunës Ramiz Lladrovci: shkolla e Baicës është ndërtu është kry shërbimet e efijencës pra, janë ndërru kaldaja edhe e kanë bo me peletë, ne kena dru të mjaftueshme atje, po s'kena pas peletë, a u desht me marrë dikun peletin. Për mësim nuk o e vërtetë se i marrin dhjetë minuta orët e mësimin. E dyta Kjo është tema e druve, është prej gushtit, ne kemi zhvillu procedura të ngushtë, dy kompani janë që e furnizojnë krejt Kosovën me dru dhe me bilet, edhe na mbesim kështu.

Muhamet Gjoka Drejtor i Arsimit: e nderuar, lidhur me shqetësimin e juaj, ju njoftoj që ë ne shkollën e “Rasim Këqina” është duke u punu në një pjesë, në një pjesë të tualeteve dhe si pasojë e kësaj është dashtë me e menaxhu sigurisht me i shkurtu, po jo me dhjetë minuta, tridhjetë e pesë minuta, jo, unë e kam edhe orarin mu me me nda me juve, sigurisht që e dëshmon praktikisht nëse ka ndodhë ndonjëherë e dhe një informatë shtesë, një informatë shtesë pse procedurat janë zhvillu tash? ju njoftoj që projektin për renovim të objekteve shkollore e kemi pas për herë dyvjeçar nga viti i kalum dhe sigurisht kontrata u ne shkru në vitin e kalum dhe janë kry të gjitha punët që kanë qenë të paraparë me kontratë. Mirëpo, për

shkak të nevojave të shkollave, me aprovimin e juaj në buxhet në këtë seancë të Kuvendit kemi siguru buxhet shtesë edhe njëqind mijë euro, dhe është dashtë të pritët që të përfundohet kontrata e parë, në mënyrë që të vazhdojmë me procedurën. Kjo është arsyeja pse pak më vonë janë zhvillu procedurat, po gjithmonë në interes të nxënësve që të bahet më e mira dhe t'ju krijohet një infrastrukturë e përshtatshme.

Mehedin Salihu: dashta me ditë konkretisht, a ka ndonjë shkollë që nuk ka nxemje?

Muhamet Gjoka Drejtor i Arsimit: jo, nuk ka asnjë shkollë që nuk ka lëndë djegëse. Në shkollën e Tërstenikut është duke u punu në sistemin e ngrohjes. Besoj që deri nesër përfundohet sistemi komplet dhe nuk ka asnjë shkollë që nuk ka ngrohje.

Krytari i Komunës Ramiz Lladrovci: për prind unë i thërras publikisht, është faqja zyrtare e komunës kushdo që ka ankesa, jo veç për ngrohje, po për çfarëdolloj ankese, problemi që ka me shkollat, po edhe çdo gjë tjetër, le ta bënë ankesën në email zyrtar të komunës edhe na i kthejmë përgjigje, përndryshe i konsiderojmë deklaratat si informata të vërteta.


Hamit Haxhiu: më e rëndësishme është me pas nxemje qendrore nëpër shkolla sesa që e ke pritë përgjigjen prej OSHP-së, edhe në këtë rast edhe të sheshi më mirë o kanë hiç mos me pritë organi shqyrtues të prokurimit me i ba gati shkollat me nxemje qendrore dhe në rregull .

Krytari i Komunës Ramiz Lladrovci: edhe unë këtë përgjigje ia bëj OSHP-së, publikisht po e them, është njëfarë vlerësuesi atje, me kthi përgjigje unë veç ditë ia numëroj, kështu që ne po flasim për dy shkolla që u kanë nderrua kaldoja, ka pa një ditë problem që s'ka pas ngrohje, qato e kanë qitë mediat edhe qato u veprime vetëm po i përsëritni ju.

Meqë nuk pati diskutime tjera kryesuesi e konsideroj të mbyllur seancën, seanca përfundoj rreth orës 11:50 min.

Me gjerësisht, mbledhjen e rregullt të Kuvendit të Komunës së Drenasit të datës 22.11.2023 mund të ndiqni në ueb faqen zyrtare të komunës, rrjetin social të Facebook-ut dhe në kanalin YouTube.

Procesmbajtëse:



Liridona Fejza-Ajazi



Kryesuesi i Kuvendit Komunal



Milaim Hajdari